

Mješoviti Holding „Elektroprivreda Republike Srpske“ Matično preduzeće a.d. Trebinje
Zavisno preduzeće „Rudnik i Termoelektrana Ugljevik“ A.D. Ugljevik

Broj: 2375 /24
Dana, 26.01. 2024. godine

Na osnovu člana 69. stav (2) tačka d) Zakona o javnim nabavkama („Službeni glasnik BiH broj 39/14 i 59/22), člana 8. Pravilnika o uspostavljanju i radu Komisije za nabavke („Službeni glasnik BiH“ broj: 103/14 i 49/23), na preporuku Komisije za javnu nabavku broj: 2247/24 od 24.01.2024. godine, u postupku: „Nabavka mašina za obradu krajeva cijevi“, putem konkurentskog zahtjeva za dostavu ponuda, interni broj: KZ 54/23, objavljen na Portalu javnih nabavki www.ejn.gov.ba pod brojem: 1276-7-1-617-3-696/23 od 06.12.2023. godine, Uprava Preduzeća na sjednici održanoj dana 26.01. 2024. godine je donijela:

ODLUKU

o poništenju postupka javne nabavke: „Nabavka mašina za obradu krajeva cijevi“, putem konkurentskog zahtjeva za dostavu ponuda, interni broj: KZ 54/23

Član 1.

Prihvata se Preporuka Komisije za javne nabavke broj: 2247/24 od 24.01.2024. godine, te se poništava postupak javne nabavke: „Nabavka mašina za obradu krajeva cijevi“, putem konkurentskog zahtjeva za dostavu ponuda, interni broj: KZ 54/23, a na osnovu člana 69. stav (2) tačka d) Zakona o javnim nabavkama, jer nijedna zaprimljena ponuda nije prihvatljiva za Ugovorni organ.

Član 2.

U slučaju ulaganja žalbe na ovu Odluku, Ugovorni organ će postupati u skladu sa članom 100. Zakona o javnim nabavkama BiH.

Član 3.

Ova Odluka će se objaviti na WEB stranici Ugovornog organa: www.riteugljevik.com, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama BiH.

Član 4.

Za realizaciju ove Odluke zadužuje se Služba za pravne i korporativne poslove i Služba komercijale Preduzeća.

Član 5.

Ova Odluka dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama BiH.

OBRAZLOŽENJE

Postupak javne nabavke pokrenut je na osnovu Odluke Uprave Preduzeća broj: 32880/23 od 24.10.2023. godine i Odluke Nadzornog odbora Preduzeća broj: 35017/23 od 10.11.2023. godine.

Javna nabavka je sprovedena putem konkurentskog zahtjeva za dostavu ponuda.

Procijenjena vrijednost javne nabavke je 35.000,00 KM bez PDV-a.

Obavještenje o nabavci objavljeno je na Portalu javnih nabavki pod brojem: 1276-7-1-617-3-696/23 od 06.12.2023. godine.

Komisija za javne nabavke, imenovana Rješenjem Uprave Preduzeća o imenovanju članova Komisije broj: 38243/23 od 15.12.2023. godine, podnijela je Upravi Preduzeća Izvještaj o radu sa preporukom za poništenje postupka broj: 2247/24 od 24.01.2024. godine.

U postupku po Izvještaju je utvrđeno da je Komisija blagovremeno i pravilno izvršila otvaranje ponuda i o tome sačinila odgovarajući Zapisnik o otvaranju ponuda broj: 38692/23 od 20.12.2023. godine, a u kojem je utvrđeno slijedeće: do zakazanog roka za prijem ponuda za predmetnu nabavku, do 20.12.2023. godine do 11.00 časova, zaprimljene su dvije ponude:

Blagovremene ponude/datum i vrijeme prijema		Ukupna cijena ponude bez uračunatog PDV	Neblagovremeno primljene ponude
1.	Mašin-Elektro d.o.o. Šabac, Republika Srbija	14.990,00 EUR, odnosno 29.317,89 KM obračunato po srednjem kursu Centralne banke BiH	/

2.	„Termoelektro trade“ d.o.o. Brčko	38590/23 od 19.12.2023. godine u 9 ¹⁰ h	34.955,00 KM	/
Krajnji rok za prijem ponuda bio je: do 20.12.2023. godine do 11⁰⁰ časova				

Predstavnici imenovanih ponuđača nisu prisustvovali otvaranju pristiglih ponuda, te im je Zapisnik o otvaranju ponuda broj: 38692/23 od 20.12.2023. godine dostavljen isti dan putem mejla i na isti nije bilo primjedbi.

ANALIZA PONUDA

Zatvoreni sastanak Komisije, na kojem su pregledane pristigle ponude, te izvršena analiza dostavljene dokumentacije, održan je dana 24.01.2024. godine.

Analizom pristiglih ponuda, uvidom u priloženu dokumentaciju i suštinskom provjerom sadržaja i validnosti dokumentacije, Komisija je konstatovala sljedeće:

ANALITIČKI PRIKAZ TRAŽENIH I DOSTAVLJENIH DOKUMENATA NA OSNOVU KOJIH SE UTVRĐUJE POSTOJE LI RAZLOZI ELIMINACIJE PONUĐAČA

OBAVEZNI DOKUMENTI KOJE PONUDA MORA DA SADRŽI	Ponuđač: „MAŠIN-ELEKTRO“ d.o.o. Šabac	Ponuđač: „TERMoeLEKTRO TRADE“ d.o.o. Brčko
Obrazac za dostavljanje ponude - Aneks 2	Dostavljen	Dostavljen
Obrazac za cijenu ponude - Aneks 3	Dostavljen	Dostavljen
Obrazac za povjerljive informacije - Aneks 4	/	Dostavljen
Potpisan i ovjeren nacrt ugovora - Aneks 5	Dostavljen	Dostavljen
Dokumentacija u skladu sa tačkom 3.1 Tenderskog dokumenta	Dostavljena	Dostavljena, nije u skladu sa zahtjevom iz Tenderskog dokumenta
Ovjeren Izjava u vezi člana 45. ZJN BiH – Prilog 1	Dostavljena, nije u skladu sa zahtjevom iz Tenderskog dokumenta	Dostavljena
Izvod iz sudskog registra ili dokument koji je ekvivalentan izvodu iz sudskog registra	Dostavljen	Dostavljen
Ovjeren pismena izjava ponuđača iz člana 52. ZJN BiH – Prilog 2	Dostavljena, nije u skladu sa zahtjevom iz Tenderskog dokumenta	Dostavljena

Ponuda ponuđača Mašin-Elektro d.o.o. Šabac nije prihvatljiva iz sljedećih razloga:

Tačkom 4.3 Tenderskog dokumenta definisano je da:

„Ponuđači mogu dokazati da se nijedan slučaj naveden u tački 4.2 ne odnosi na njih, a u vezi člana 45. Zakona, dostavljanjem Izjave date u skladu sa nacrtom koji je dat u prilogu ovog tenderskog dokumenta, **ovjerene od strane nadležnog organa (Prilog 1). Nadležni organ za ovjeru navedenih izjava je organ uprave ili notar...**“

Imenovani ponuđač je na strani 9 svoje ponude dostavio Izjavu u skladu sa članom 45. ZJN BiH – Prilog 1, ali navedena izjava **nije ovjerena od strane nadležnog organa**, te nije u skladu sa navedenim zahtjevom iz Tenderskog dokumenta.

Dalje, tačkom 5.1 stav (2) tenderskog dokumenta je predviđeno da:

„Ponuđač je dužan uz ponudu dostaviti i posebnu pismenu izjavu da nije nudio mito niti učestvovao u bilo kakvim radnjama čiji je cilj korupcija u javnoj nabavci, **koja mora biti ovjerena od strane nadležnog organa (organ uprave ili notar) – Prilog 2.**“

Ponuđač Mašin-Elektro d.o.o. Šabac je na strani 10 dostavio Izjavu u skladu sa članom 52. ZJN BiH – Prilog 2, ali ista **nije ovjerena niti od strane organa uprave, niti notara, tako da navedeni ponuđač nije ispunio uslov koji je propisan u tački 5.1 stav (2) Tenderskog dokumenta.**

Takođe, ovaj ugovorni organ napominje i da je tačkom 6.1 pod napomenom u alineji 2 Tenderskog dokumenta navedeno da Izjave u vezi člana 45. i 52. zakona o javnim nabavkama moraju biti ovjerene od strane nadležnog organa odnosno organa uprave, suda ili notara, ali imenovani ponuđač, kao što je već navedeno, navedene Izjave u vezi člana 45. i 52. Zakona o javnim nabavkama BiH nije dostavio u skladu sa navedenim zahtjevom iz Tenderskog dokumenta.

Imajući u vidu sve naprijed navedeno, ponuda ponuđača Mašin-Elektro d.o.o. Šabac **nije prihvatljiva** za Ugovorni organ.

Ponuda ponuđača „Termoelektro trade“ d.o.o. Brčko je nepravilna iz sljedećih razloga:

Tačkom 3.1 tenderskog dokumenta za mašinu za obradu krajeva cijevi minimalno $\varnothing 10 \div 73$ [mm] zahtjevano je da:

„Radni opseg, spoljašnji prečnik cijevi treba da omogući obradu cijevi od minimalno $\varnothing 10 \div 73$ [mm].“

Iz dostavljenih kataloških stranica proizvođača, u tabelarnim prikazima, vidljivo je da radni opseg mašine iznosi od $\varnothing 19 \div 63,5$ mm, što nije u skladu sa zahtjevom iz tenderskog dokumenta. U dostavljenom tekstualnom opisu mašine navedeno je da proširena verzija ponuđene mašine može obrađivati prečnike cijevi do $\varnothing 76$ mm, što je vidljivo iz dostavljenog tabelarnog prikaza, ali je takođe vidljivo i to da proširena verzija ponuđene mašine i dalje ne zadovoljava minimalnu donju granicu prečnika cijevi od $\varnothing 10$ mm.

U dostavljenom tekstualnom opisu mašine, navedeno je da standardni opseg prečnika obrade iznosi od $\varnothing 19 \div 76$ mm, što nije u skladu sa zahtjevima. Dalje, u tekstualnom opisu mašine, navedeno je da za ponuđenu mašinu prečnik obrade ima opseg od $\varnothing 10,3 \div 73$ mm, bez određenog dokumenta koji prati navedenu tvrdnju za navedenu donju granicu. Iz dostavljenih kataloških stranica proizvođača vidljivo je da je mogući opseg obrade spoljnog prečnika cijevi od $\varnothing 19 \div 76$ mm.

Dalje, nevedenom tačkom tenderskog dokumenta je predviđeno da je:

„Posmak mašine: 30 [mm].“

Iz dostavljenih kataloških stranica proizvođača, u tabelarnim prikazima, vidljivo je da je posmak mašine 25,4 mm, dok je u tekstualnom opisu mašine navedeno da isti iznosi 20 mm.

Takođe, tenderskim dokumentom za navedenu mašinu se zahtjeva da bude:

„Težina od 13 do 16 [kg].“

Iz dostavljenih kataloških stranica proizvođača, u tabelarnim prikazima, vidljivo je da je težina mašine 11 kg, dok je u tekstualnom opisu mašine navedeno da ista iznosi oko 11 kg.

Što se tiče mašine za obradu krajeva cijevi minimalno $\varnothing 28 \div 76$ [mm] tačkom 3.1 tenderskog dokumenta je zahtijevano da je:

„Posmak mašine: 40 [mm].“

Iz dostavljenih kataloških stranica proizvođača, u tabelarnim prikazima, kao i u tekstualnom opisu mašine vidljivo je da posmak mašine iznosi 20 mm.

Takođe, tenderskim dokumentom za navedenu mašinu se zahtjeva da bude:

„Težina od 7 do 9 [kg].“

Iz dostavljenih kataloških stranica proizvođača, u tabelarnim prikazima, vidljivo je da je težina mašine 5,2 kg, dok je u tekstualnom opisu mašine navedeno da ista iznosi 5,7 kg.

Imajući u vidu naprijed navedeno, ponuda ponuđača „Termoelektro trade“ d.o.o. Brčko **je nepravilna.**

Tačkom 8.2 Tenderskog dokumenta predviđeno je provođenje E-aukcije. Obzirom da za predmetnu nabavku nije prihvatljiva nijedna dostavljena ponuda, E-aukcija se nije mogla zakazati, nego se postupak okončao u skladu sa članom 69. Zakona.

Komisija za javnu nabavku u postupku: „Nabavka mašina za obradu krajeva cijevi“ – putem konkurentskog zahtjeva za dostavu ponuda, interni broj: KZ 54/23, nakon ocjene dostavljenih ponuda je zaključila da se u skladu sa članom 69. stav (2) tačka d) ZJN BiH poništi predmetni postupak javne nabavke, jer nijedna dostavljena ponuda nije prihvatljiva za Ugovorni organ.

U postupku ocjene provedenog postupka Uprava Preduzeća nije našla razloge nepravilnosti, niti propuste u radu, koji bi eventualno bili osnov za neprihvatanje Preporuke Komisije za nabavku.

U postupku je utvrđeno da je Komisija u svemu pravilno postupila, te da je Preporuka o poništenju postupka data u skladu sa Zakonom, podzakonskim i internim aktima i Tenderskim dokumentom.

Iz navedenih razloga, primjenom člana 69. stav 2. tačka d) i člana 70. stav 1., 4. i 6. Zakona o javnim nabavkama odlučeno je kao u članu 1. ove Odluke.

POUKA O PRAVNOM LJJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se predaje Kancelariji za razmatranje žalbi, putem ugovornog organa u pisanoj formi direktno ili preporučenom poštanskom pošiljkom na adresu: Mješoviti Holding „ERS“ - MP a.d. Trebinje ZP „Rudnik i Termoelektrana Ugljevik“ a.d. Ugljevik, Ugljevik bb, 76330 Ugljevik. Žalba se podnosi u najmanje 3 (tri) primjerka.

Dostavljeno:

1. Ponuđačima,
2. Upravi Preduzeća,
3. Komisiji za javne nabavke,
4. Službi za pravne i korp. posl.,
5. a/a.



**ZA UPRAVU
VD DIREKTORA**

Djko Cvjetinović, master ekonomista

VD Izv. dir. za posl. proiz. el. ener. i razvoja Termoelektrane

VD Izvršnog direktora za posl. proiz. uglja i razvoja Rudnika

VD Izvršnog direktora za ekonomsko-finansijske poslove

VD Izvršnog direktora za korporativne poslove

VD Izvršnog direktora za opšte i pravne poslove